

**“Navoiy kon-metallurgiya kombinati” aksiyadorlik jamiyati
Komplayens xizmati tomonidan joriy yilning 1-choragi
davomida amalga oshirilgan ishlar to‘g‘risida**

H I S O B O T

“Navoiy kon-metallurgiya kombinati” aksiyadorlik jamiyati (*keyingi o‘rinlarda – Jamiyat*)ning shtatlar jadvaliga asosan Komplayens xizmatiga (*keyingi o‘rinlarda - Xizmat*) **15 ta** shtat birligi ajratilgan bo‘lib, shundan **9 nafar** xodimlar bilan to‘ldirilgan. Hozirda **6 ta** vakant lavozimlarga xodimlarni ishga olish bo‘yicha tanlov o‘tkazilmoqda.

Joriy yilning o‘tgan davri davomida, Xizmat xodimlari tomonidan “onlayn” malaka oshirish kurslariga qatnashilib, bilim salohiyati oshirilishi maqsadida, “Davlat xaridlari sohasida firibgarlik va korrupsiyani oldini olish” yo‘nalishida **7 ta**, AQSh Pensilvaniya universitetining “Korrupsiyaga qarshi kurashish” yo‘nalishida **1 ta** va Xalqaro korrupsiyaga qarshi kurashish Akademiyasi (*International Anti-Corruption Academy*)ning “Xususiy sektorda manfaatlar to‘qnashuvini oldini olish” yo‘nalishida **1 ta** sertifikatlar olindi.

ISO 37001:2016 xalqaro standartining muvofiqlik sertifikatini olish yuzasidan tasdiqlangan “Yo‘l xaritasi” ijrosi bo‘yicha joriy yilda **2 ta** ichki idoraviy hujjatlar ishlab chiqilib, amaliyotga joriy etildi. (*Jami 17 ta ichki idoraviy hujjatlar ishlab chiqilgan*)

(*Jumladan, Korrupsiyaga qarshi kurashish siyosati, Komplayens xizmatining Nizomi, Xodimlarni ishga qabul qilish Tartibi, Odob-axloq kodeksi, Xodimlarni odob-axloq qoidalari va korrupsiyaga qarshi kurashish sohasida o‘qitilishini tashkil qilish bo‘yicha Yo‘riqnomasi, Korrupsiyaga oid harakatlar to‘g‘risida axborot berish uchun aloqa kanallari orqali kelib tushgan xabarlarini qabul qilish va qayta ishlash Regamenti, Korrupsiyaviy xavf-xatarlarni baholash to‘g‘risidagi Nizom, Korrupsiyaga qarshi kurashish tizimining holati haqidagi hisobotni shakllantirish va taqdim etish Regamenti, Nomzodlarni tekshirish bo‘yicha Yo‘riqnomasi, Xaridlarni o‘tkazish to‘g‘risidagi Nizom, Xodimlarining korrupsiyaviy xatti-harakatlari, odob-axloq qoidalari hamda boshqa qonunbuzilish holatlari yuzasidan xizmat tekshiruvlari va o‘rganishlar o‘tkazish bo‘yicha Regament, Homiylik va xayriya yordamlari to‘g‘risidagi Nizom, Korrupsiyaga qarshi kurashish bo‘yicha tartib-taomillarning samaradorligini monitoring va nazorat qilish Uslubiyoti, Korrupsiyaga oid huquqbazarliklar haqida xabar bergen xodimlarni rag‘batlantirish Tartibi, Kontragentlarni tekshirishga oid Yo‘riqnomasi*).

Joriy yilning o‘tgan davri mobaynida Xizmatga jami **175 ta** ijro hujjatlari kelib tushgan bo‘lib, muddati kelgan **54 tasining** ijrosi o‘z vaqtida ta’minlandi.

Komplayens xizmati tomonidan jami **349 ta** (*263 ta buyruq va 86 ta farmoyish*) ichki idoraviy hujjatlar korrupsiyaga qarshi huquqiy ekspertizadan o‘tkazildi. Bundan tashqari, normativ-huquqiy va ichki idoraviy hujjatlarga o‘zgartirishlar kiritish yuzasidan **9 ta** takliflar ishlab chiqilib, tegishli tartibda amaliyotga joriy etish uchun taqdim etildi.

Janubiy kon boshqarmasida Jamiyatning 2022-yil 11-martdagи 192-sonli buyrug‘i bilan qabul qilingan Ishga qabul qilish Tartibiga asosan xodimlarni ishga qabul qilish va boshqa lavozimga o‘tkazilishi qonuniyligi o‘rganildi. Aniqlangan xato va kamchiliklarni

bartaraf etish bo'yicha Chora-tadbirlar rejası ishlab chiqildi. Shuningdek, Zarafshon qurilish boshqarmasida **4 nafar** ishchi-xodimining malakaviy ma'lumotlari egallab turgan lavozim yo'riqnomasi talablariga mos kelmasligi holatlari bartaraf etildi.

Jamiyatning rasmiy veb-saytida hamda ichki portal (*jamiyat xodimlari uchun joriy etilgan*)da "Korrupsiyaga qarshi kurashish" va "Ochiq ma'lumotlar" bo'limlari joriy etildi. Mazkur bo'limlarda ichki idoraviy hujjatlar, e'lon qilinishi belgilangan ma'lumotlar, murojaatlarni yuborish uchun tegishli (*ishonch telefoni va elektron pochta*) aloqa kanallari, ijtimoiy videoroliklar hamda Komplayens xizmatining mas'ul xodimlari to'g'risidagi ma'lumotlar joylashtirildi hamda ushbu ma'lumotlar doimiy tarzda yangilanib borilishi nazoratga olindi.

O'tgan davr mobaynida jamiyat xodimlari bilan **32 marotaba** huquqiy targ'ibot va profilaktik tadbirlar o'tkazildi. (*Jumladan, 8 ta uchrashuv, 15 ta seminar, 8 ta so'rovnama, 2 ta mahalliy radioga chiqish*)

"1-GMZ" kon boshqarmasida joriy yilning fevral-mart oylarida Adliya vazirligi tomonidan 2022-yil 31-avgustda 3383-son bilan ro'yxatga olingan (*korrupsiyaviy xavf-xatarlarni aniqlash va baholash bo'yicha*) Uslubiyot hamda Jamiyatning tegishli ichki idoraviy hujjatlariga ko'ra kon boshqarmasining barcha bo'lim, xizmat va byurolarida korrupsiyaviy xavf-xatarlarni aniqlash va baholash o'tkazildi.

Shuningdek, o'tgan davr mobaynida jami **7 ta** o'rganish hamda xizmat tekshiruvlari o'tkazilib, shundan 3 tasi tegishli tartibda chora ko'rish uchun huquqni muhofaza qiluvchi organlarga yuborildi. 5 nafar rahbarlar intizomiy javobgarlikka tortildi (*shundan 1 nafar rahbar lavozimidan chetlatildi*).

Korrupsiyaga qarshi kurashish agentligi tomonidan davlat organlari va tashkilotlarining ochiqlik bo'yicha amalga oshirilgan ishlarining 2022-yil yakunlari bo'yicha baholashga qaratilgan **Ochiqlik indeksi** natijalariga ko'ra "NKMK" AJ **76,2 ball** bilan baholanib, 86 ta davlat organlari va tashkilotlari orasidan faxrli 5 o'rinni, aksiyadorlik jamiyatlari orasidan 1-o'rinni egalladi. Ochiqlik indeksining barcha **84 ta** mezonlari bo'yicha tegishli ma'lumotlar ngmk.uz saytida doimiy tarzda yangilanib borilishi nazoratga olindi.

Shuningdek, O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida"gi PQ-81-son qaroriga ko'ra talab etiladigan choraklik **29 turdag'i** ma'lumot va hisobotlar "E-Anticor.uz" elektron platformasiga kiritildi.

Xizmat boshlig'i

R. Avezov